

**Свята́го благове́рнаго вели́каго кня́зя Алекса́ндра  
Не́вскаго, Влади́мирскаго и Новгоро́дскаго чудотво́рца,  
наре́ченнаго во ино́цех Алекси́я (6 декабря н.ст.)**

**На Вели́цей Вече́рни**

**Стихосло́вим Блаже́н муж: 1-й антифо́н. На Го́споди,  
воззва́х: стихи́ры на 8: пра́здника, 3; и Алекса́ндра, 5.**

**Стихи́ры Алекса́ндра, глас 2.**

Ки́ими похва́льными венцы́/ венча́ем блаже́ннаго Алекса́ндра?/  
люде́й благове́рных держа́ву и князе́й правосла́вных похвалу́,/ дивна́го  
в чуде́сех, безплóтных сожи́теля,/ исто́чника Божество́нных исцеле́ний  
неисчерпа́емаго,/ реку́ чуде́с мно́гих,/ проли́тие дарова́ний духо́вных./  
Его́же ра́ди Христо́с земли́ Росси́йстей/ да́рует мир и ве́лию ми́лость.

Ки́ими похва́льными венцы́/ увязе́м блаже́ннаго Алекса́ндра?/  
благоче́стия управле́ние, ерети́ческих уче́ний обличе́ние,/ Це́ркве  
све́тлое украше́ние,/ врача́ премудра́го и Богоприя́тна,/ исцеля́юща  
неду́ги и боле́зни на́ша./ Его́же ра́ди враго́в шата́ния Христо́с низложи́,/  
име́яй ве́лию ми́лость.

Ки́ими смире́нными устна́ми/ воспое́м Алекса́ндра премудра́го?/  
со́лнца пресве́тлаго, Всечестны́я Тро́ицы моли́твенника,/ печа́льных  
утеше́ние и отча́янных засту́пника,/ похвалу́ земли́ Росси́йския,/ реку́  
ми́лости вои́стинну и больны́х врача́ безме́здна,/ смире́ния Христо́ва  
подража́теля,/ пода́ющего нам ве́лию ми́лость.

Ки́ими духо́вными пе́снями/ воспое́м пресла́внаго?/ свети́льника  
незаходи́маго Со́лнца мы́сленнаго,/ пра́вды пра́вило, весе́лие земли́  
Росси́йския,/ кре́пость гра́да на́шего и забра́ло,/ сирóт пита́теля,  
оби́димых засту́пника,/ столпа́ пресве́тлаго, просвеща́ющего нас чуде́с  
светлосты́ми/ и пода́юща ве́лию ми́лость.

**Сла́ва, глас 6:**

Всяк град и страна́,/ сла́вному граду́ на́шему сра́дуйтесь/ и  
псалóмски воспле́щите рука́ми вку́пе,/ духо́вно  
торжество́ днесь пра́зднующе:/ се у́бо дивный наш врач и спаси́тель,  
Алекса́ндр вели́кий,/ Небе́снаго врачевства́ цельбы́ предлага́ет/ и к  
непреста́нным цельба́м ти́хо созыва́ет/ не хитросты́ми челове́ческими,  
не обяза́нием,/ но де́йством Свята́го Ду́ха,/ душе́вное и телесное

исцелѣние пѣче естества подавая./ Егѡже и приѣмлюще/ довольно, всяк род и вѡзраст славим Христа Бога,/ подающаго нам его ради велию мѣлость.

### **И ныне, праздника, глас 8:**

По рождествѣ Твоѣм, Богоневѣсто Владычице,/ пришла еси в храм Господень воспитатися/ во святая святых, яко освященна:/ тогда и Гавриил послан бысть к Тебѣ, Всенепорочней,/ пищу Тебѣ принося./ Небесная вся удивѣшася, зряще Духа Святаго, в Тя всельшася./ Тѣмже, Пречистая и Нескверная,/ Яже на Небеси и на земли славима,/ Мати Божия, спаси род наш.

Вход. Прокимен дне. И чтѣния.

### **Премудрости Соломоновы чтѣние (глава 3):**

Праведных души в руцѣ Божией,/ и не прикоснется их мѣла./ Непщевани быша во очесѣх безумных умерѣти,/ и вменѣся озлобленіе исход их,/ и еже от нас шествіе – сокрушеніе;/ онѣ же суть в мѣре./ Ибо пред лицѣм человѣческим аще и мѣлу приѣмут,/ упованіе их безсмертія исполнено./ И в малѣ наказани бывше,/ великими благодѣтельствовани будут,/ яко Бог искуси я/ и обрете их достойны Себѣ./ Яко злато в горниле, искуси их,/ и яко всеплодие жертовное приѣт я./ И во время посещенія их возсияют/ и, яко искры по стѣблию, потекутъ./ Судят языком и обладают людми,/ и воцарится Господь в них во вѣки./ Надѣющіися Нань разумеют истину/ и вѣрнии в любви пребудут Ему./ Яко благодать и мѣлость в преподобных Егѡ/ и посещеніе во избранных Егѡ.

### **Премудрости Соломоновы чтѣние (главы 5, 6):**

Праведницы во вѣки живут,/ и в Господѣ мзда их, и попеченіе их у Вышняго./ Сего ради приѣмут Царствіе благолѣпія/ и венец доброты от руки Господни;/ зане десницею покрѣет я и мѣшцею защитит их./ Приѣмет всеоружіе рвеніе свое/ и вооружит тварь в мѣсть врагом./ Облечѣтся в броня правды/ и возложит шлем – суд нелицемѣрен./ Приѣмет щит непобѣдимый – преподобіе,/ поострит же напрасный гнев во оружіе,/ споборет же с ним мир на безумныя./ Пойдут праволучныя стрѣлы молниины,/ и, яко от благокругла лука облаков, на намереніе полетят./ И от каменомѣтныя ярости, исполнь падут грады,/ вознегодует на них вода морская,/ рѣки же потопят я нагло./ Сопротив стѣнет им дух

си́лы,/ и, я́ко вѣхор, развѣет их,/ и опустоши́т всю зѣмлю беззако́ние,/ и злоде́йство преврати́т престо́лы си́льных./ Слы́шите у́бо, ца́рие, и разуме́йте,/ навѣкните суди́й конце́в землі./ Внуши́те, держа́ции мно́жества/ и гордя́щиеся о наро́дах язы́к,/ я́ко дана́ есть от Го́спода держа́ва вам/ и си́ла от Вы́шняго.

### **Премудрости Соломоновы чтение (глава 4):**

Праведник, а́ще пости́гнет сконча́тися, в поко́и бу́дет./ Ста́рость бо честна́ не многоле́тна,/ ниже́ в числѣ лет исчита́ется./ Седи́на же есть му́дрость челове́ком/ и во́зраст ста́рости – жити́е нескве́рное./ Благоуго́ден Бо́гу быв, возлю́блен бысть/ и живы́й посреде́ грѣшников преста́влен бысть./ Восхище́н бысть, да не зло́ба измени́т ра́зума егó,/ или́ лeсть прельсти́т ду́шу егó./ Раче́ние бо зло́бы помрача́ет до́брая/ и паре́ние по́хоти пременя́ет ум незло́бив./ Сконча́вся вма́ле, испо́лни ле́та до́лга,/ уго́дна бо бе Го́споду душа́ его,/ сего́ ра́ди потща́ся от сре́ды лука́вствия./ Лю́дие же, ви́девшие и не разуме́вшие,/ ниже́ положи́вшие в помышле́нии тако́вое,/ я́ко благода́ть и ми́лость в преподо́бных Егó/ и посече́ние во избра́нных Егó.

### **На литий стихіры, глас 3.**

Земля́ на́ша и страна́, блаже́нне,/ чудеса́ тво́я возвеща́ют и воспева́ют у́бо всю́ду:/ Христос́ бо тя нам свети́льника показа́,/ просвеща́юща ду́ши на́ша.

### **Глас 4:**

Лю́дие и кня́зи,/ вку́пе богáтии и убóзии, ра́дуйтесь,/ све́тлое **днесь** торже́ство пра́зднующе о́бщаго засту́пника,/ блаже́ннаго Алексáндра:/ воспева́йте у́бо, и́стиннии безмо́лвницы и прости́и лю́дие,/ о́бщаго предста́теля, и помо́щника,/ и мо́лебника о душа́х на́ших.

### **Глас 5:**

Богопри́ятне и преподо́бне Алексі́е,/ от ложесн поро́д свят Бо́гу нарече́н еси́,/ благи́ми де́лы све́тло украси́лся еси́,/ ми́лостынями и чистото́ю сосу́д Свята́го Ду́ха был еси́:/ Имже де́йствуеши пресла́вная чудеса́/ с ве́рою приходя́щим ко свято́му тво́ему грóбу.

Боговенча́нный Алексáндре,/ страны́ на́шей держа́ва светонóсная,/ князе́й похвала́ велехва́льная,/ христиа́н побóрнице непобе́дный,/ о

ніхже, жив сый, ду́шу твою́ полага́л еси́,/ си́це и по сме́рти неотсту́пно  
Оте́чество твоё сохра́няй,/ на ага́ряны моли́твами тво́ими спосо́бствую.

### **На стихо́вне стихи́ры, глас 1.**

Я́ко ве́лие со́лнце,/ яви́лся еси́, блаже́нне, вселе́нней,/ чудесы́  
стра́шными просвеща́я весь мир./ Тем вси, соше́дшися,/ Христа́  
воспо́йм, спаса́ющего ны от бед/ моли́твами тво́ими.

#### **Стих: Честна́ пред Го́сподем/ смерть преподо́бных Его́.**

Свѣтом сия́я Божѣственныя благода́ти,/ и чудодо́йствуеши  
непреста́нно./ И ны́не моли́ Христа́ Бо́га, блаже́нне Алексáндре,/   
изба́вити от бед ду́ши на́ша.

**Стих: Блаже́н муж, боя́йся Го́спода,/ в за́поведех Его́ восхо́щет  
зело́.**

Не от Ри́ма возсия́л еси́,/ ни от Сио́на, Богому́дре,/ но в Росси́йстей  
земли́ яви́лся еси́,/ чудотво́рец пресла́вен,/ исцеле́ние подава́я  
неоску́дно/ всем, приходя́щим с ве́рою.

### **Сла́ва, глас 1. Самогла́сен:**

Ра́дуйся и весели́ся, гра́де Влади́мире,/ и свѣ́тло торже́ству́й, и  
лику́й Христо́ва Цѣрковь,/ в не́йже положено́ честное́ тѣло блаже́ннаго  
Алексáндра,/ тѣло драго́е, тѣло пресла́вное,/ тѣло, чудеса́ точа́щее всем,  
приходя́щим с ве́рою./ Прииди́те, вси лю́дие, прииди́те, ве́рнии,  
поклони́мся,/ тецýте и собери́тесь,/ и псаломски то́го воспо́йм,  
ра́дующеся,/ и облобыза́ем че́стно мо́щи дивна́го врача́ на́шего,/   
печа́льных при́сную утѣху и отча́янных наде́жду,/ похвалу́ земли́  
Росси́йстей,/ посóбника на враги́, и всем челове́ком засту́пника,/ и  
моли́твенника о спасéнии душ на́ших.

### **И ны́не, пра́здника, глас 6:**

Днесь собо́ри ве́рных, соше́дшися,/ духо́вне да торже́ству́ем,/ и  
Богоотрокови́цу, Де́ву и Богоро́дицу,/ в храм Госпо́день приводи́му,  
благоче́стно восхва́лим,/ предъизбра́нную от всех родо́в,/ во оби́телище  
всех Царя́ Христа́ и Богá./ Де́вы, свещи́ нося́ще, предъиди́те,/   
Присноде́вы чту́ще честное́ происхожде́ние;/ ма́тери, печа́ль всю  
отложивше, ра́достно спосле́дствуйте/ Ма́тери Бо́га быва́ющей и  
ра́дости ми́ра Ходатаи́це:/ вси у́бо ра́достно, е́же ра́дуйся,/ со А́нгелом  
возопи́ем Обра́дованней,/ при́сно моля́щейся о душа́х на́ших.

На благословѣнии хлебѡв тропарь святаго, дважды, и праздника.

**Тропарь святаго, глас 4:**

**Яко благочестиваго корене/ пречестная отрасль был еси,  
блаженне Александре:/ яви бо тя Христос,/ яко некое Божественное  
сокровище Россійстей земли,/ новаго чудотворца, преславна и  
Богоприятна./ И днесь сошедшеся в память твою верою и  
любовию,/ во псалмех и пѣниях радующеся, славим Господа,  
даваго тебе благодать исцелений,/ Егже моли спасти град сей,/ и  
державе Россійской Богоугодней быти,// и сыновом Россійским  
спастися.**

Слава, и ныне, праздника, глас тойже:

**Днесь благоволения Божия предображение/ и человеков  
спасения проповѣдание,/ в храме Божии ясно Дева является/ и  
Христа всем предвозвѣщает./ Той и мы велегласно возопийм:/  
радуйся, смотрения// Зиждителява исполнение.**

**На Утрени**

На Бог Господь: тропарь праздника, дважды. Слава, святаго, и  
ныне, праздника.

**По 1-м стихословии седален, глас 4.**

Радуйся, яко второй Фессалонь в Россійстей земли,/ славный граде  
Владимире,/ и любезными пѣснями вкупе ликуй, Божественная  
Церковь,/ в нейже пречестное тело Александра, премудраго,  
блаженнаго/ подаёт различно всем исцеление./ И сего ради возопийм к  
нему:/ молитвами твоими, блаженне,/ исцели недуги и болезни наша/ и  
всяческих избави искушений/ верою и любовию память твою  
восхваляющих.

Слава, и ныне, праздника, глас 1.

Святая святых, Богородице, сущи,/ достойно приведёся жити во  
святая,/ яко одушевлен Господень кивот/ и Святаго Духа истинно  
вместилище Божественное, Дево Мати./ Темже вселися в Тя, Иже Отцу  
единородный/ и Святому Духу соестественный,/ Твой Сын  
неискусомужно,/ обоготворив все человечество.

### По 2-й кафѣзме седáлен, глас 3.

Благодáрно зовѣм вси Христóву угóднику мѣлостивому,/ незлóбивому и крóткому,/ прилѣжно молящеся любóвию:/ разрушѣ брань страстѣй нáших,/ и отженѣ дѣмонская мечтáния, блажѣнне,/ и моли́ Бóга даровáти нам вѣлию мѣлость.

Слáва, и ны́не, прáздника, глас 4.

Весѣлия днесь вселѣнная испóлнися вся/ в благознаменѣтом прáзднице Богорóдицы, зовúщи:/ Та есть сень небѣсная.

Величáние:

Величáем тя,/ благовѣрный княже Алексáндре,/ и чтим святóе успѣние твоѣ,/ и ны́не мóлиши за нас/ Христá, Бóга нáшего.

### По полиелѣи седáлен, глас 8.

Дух Святýй тя, блажѣнне, настáви/ Отѣчество твоѣ пáствити на пáжитех спасѣтельных,/ и Христóс светѣльника тя показá яве:/ сегó рáди ликúй и веселѣся со дерзновѣнием,/ я́ко сугúбья венцы́ от Венцедáвца приѣм.

Слáва, и ны́не, прáздника:

Прѣжде зачáтия, Чѣстая, освятѣлася есѣ́ Бóгу/ и, рóждшися на землѣ, дар принеслáся есѣ́ ны́не Емú,/ исполняющи отѣческое обещáние:/ в Божѣственном же хрáме, я́ко сýщо Божѣственный храм,/ от младѣнства чѣсте со свещáми свѣтлыми отданá бѣвши,/ явѣлася есѣ́ приятѣлище непристúпнаго и Божѣственного свѣта./ Велѣ́ко воѣстинну предшѣствие Твоѣ, едѣ́на Богоневѣсто и Приснодѣво.

Степѣнна, 1-й антифóн 4-го глáса. **Прокѣ́мен: Честнá пред Гóсподем смерть преподóбных Егó.** Стих: Что воздáм Гóсподеви о всех, я́же воздаде́ ми. Вся́кое дыхáние: Евáнгелие от Матфѣя, зачáло 43.

### По 50-м псалмѣ стихѣ́ра самогласна, глас 6:

Приидѣ́те, вси лю́дие,/ хвалú принесѣ́м блажѣ́нному, вопиúще сѣ́це:/ рáдуйся, пресвѣ́тлый стóлпе, просвещáя нас чудѣ́с светлостьмѣ́;/ рáдуйся, рóсный óблаче, плáмень погашáяй страстѣ́й/ и орошáяй вѣ́рных мýсли, Божѣ́ственный Алексáндре.

## Канон праздника со ирмосом на 6: И святому два канона, на 8.

### Канон Александру, глас 4.

#### Песнь 1

Ирмос: *Моря чермную пучину/ невлажными стопами/ древний пешешествовав Израиль,/ крестообразными Моисеовыми руками/ Амаликову силу в пустыни победил есть.*

Приимша в своем сердцы, Блаже,/ Твою благодать духовную твердо премудраго повеления/ и в души благочестивых вложившаго,/ похвалами даждь ублажить Александра преславнаго.

Светильниче многосветлый Россійския земли,/ чудесы, якоже солнце второе, сияя,/ всех нас поминай, совершающих память твою, Александре блаженне.

Церкве был еси Христовы красота, блаженне,/ пением бо сию украсил еси, преславне./ И ныне молим тя:/ свободи ны от всякия брани борителя, поющая тя, Александре.

Богородичен: Радуйся, благодати Источниче;/ радуйся, лестнице и дверь Небесная;/ радуйся, светильниче, и стамо златая, и горю несекомая,/ Дево, Жизнодаваца Христа миру рождашая.

Другий канон святому, глас 8.

#### Песнь 1

Ирмос: *Воду прошед, яко сушу,/ и египетскаго зла избежав,/ израильтянин вопияше:/ Избавителю и Богу нашему поим.*

Достойными похвалами воспети преславнаго чудотворца/ ум и смысл даруй ми, Христэ Боже,/ яко да воспою, радуясь, память его.

Песнями и пеньми духовными восхвалим блаженнаго,/ и честную его и многоцелебную раку, обходяще,/ любезно облобызаем, и сие вопием:/ радуйся, Отечеству твоему пресветлый светильниче.

Богомудре Александре, аще ты и напоследок лет/ новопросвещенная Россійская страна возрасти,/ но древних чести сподобился еси, дарование чудес достойно прием.

Богорóдичен: Закóн кромé естéственных, Дéво,/ родилá есѣ  
Законодáвца Бóга, Человéка бѣвшá:/ Тогó, я́ко блага, моли́,  
Всенепорóчная, нáша беззакóния презрéти.

Катавáсия : *Христós ражда́ется:*

### Песнь 3

Ирмós: *Веселѣтся о Тебé Цérковь Твоя́, Христé, зову́щи:/ Ты моя́  
крéпость, Гóсподи,/ и прибéжище, и утверждéние.*

Во весь мир прóйде сла́ва чудéс твоѣх, блажéнне,/ ѣмиже просветѣл  
есѣ вселéнную,/ от всех напáстей<sup>202</sup> избавля́я прѣсно.

Благочестѣваго и венценóснаго Алексáндра,/ сошéдшеся, по  
достоя́нию восхва́лим,/ я́ко чудéс подáтеля обѣльнаго и Гóсподу  
моля́щася о всех нас.

Источ́ник чудéс гроб твой явѣся неисчерпа́емый,/ от негóже рéки  
исцелéний изливáеши/ вéрно пáмять твою́ творя́щим, блажéнне.

Богорóдичен: Ты едѣна на землѣ́ преестéственных благѣх  
Ходáтаица, Мáти Бóжия, была́ есѣ:/ тем Ти, ра́дуйся, зовéм.

### Ин

Ирмós: *Небéснаго крúга Верхотвóрче, Гóсподи,/ и Цérкве  
Зиждѣ́телю,/ Ты менé утверди́ в любви́ Твоéй,/ желáний кра́ю, вéрных  
утверждéние,/ едѣне Человеколю́бче.*

Светѣ́льник свéта явѣлся есѣ, Алексáндре Божéственный,/ недúгов  
глубóкую тьму разрушáя всегда́/ зарéю свéтлою чудéс, премúдре.

Престо́лу предсто́йши благодáти, со все́ми А́нгелы ра́дуяся днесь/ и  
мѣру исцелéния разда́вая богáтство,/ спасѣ́ всех нас моли́твами твоѣми,  
блажéнне.

Житѣя́ твоегó свéтлость, преподóбне,/ всем Бог я́ве показá  
возжжéнием свещѣ́ у грóба твоегó./ Тэмже прибега́ющи к тебé с вéрою,  
 вси просвещáются.

Богорóдичен: Я́ко вой́стинну Господь воцарѣ́ся в Цáрствие  
неотпа́дающее/ и облечéся псалóмски из Тебé, Богомáти, в крáсное  
благолéпие, плоть святúю,/ ёюже смерть прѣят и разруши́ ея́ цáрство.



## Седáлен, глас 8:

Я́ко зве́здá многосвѣ́тлая, от восто́ка произше́д,/ яви́лся еси́ свѣ́тлаго ра́ди жити́я твоего́/ и чистоты́ душе́вныя и телѣсныя сосу́д Свята́го Ду́ха;/ и сего́ ра́ди по успѣ́нии твоѣм от мно́гих лет/ во грѣ́бе нетлѣ́нны обрето́шася святы́я твоя́ мо́щи,/ от нѣхже исто́чаеши ре́ки чуде́с исцелѣ́ний ве́рно зову́щим ти:/ ра́дуйся, благове́рный вели́кий кня́же Алекса́ндре.

## Сла́ва и ны́не, прáздника, глас 4:

Непорѣ́чная А́гница и нескве́рный черто́г,/ в дом Бо́жий Богоро́дица Мариáм с весе́лием вво́дится пресла́вно,/ Ю́же А́нгели Бо́жии доринѣ́ют ве́рно,/ и вси ве́рнии блажа́т прѣ́сно/ и благода́рственно пою́т Ей непреста́нно ве́лиим гла́сом:/ на́ша сла́ва и спасѣ́ние Ты еси́, Всенепорѣ́чная.

## Песнь 4

Ирмо́с: *Вознесе́на Тя ви́девши Цѣ́рковь на Крестѣ́,/ Со́лнце пра́ведное,/ ста в чи́не своѣм,/ досто́йно взыва́ющи:/ сла́ва си́ле Твое́й, Го́споди.*

Кто любѣ́вь твою́ и ми́лость ко всем челове́ком, па́че же к ни́щим изгла́голет?/ и по сме́рти у́бо, я́ко жив, простѣ́рл еси́ ру́ку твою́/ и при́ял еси́ от иера́рха свѣ́ток грехѣ́в прощѣ́ния.

Днесь де́нь свята́го прáзднственны́й/ мно́гия созывáет на весе́лие духо́вное, и трапѣ́зу,/ и пи́щу нетлѣ́нныя жи́зни Божѣ́ственнаго наслажде́ния.

К Божѣ́ственному свѣ́ту ны́не преста́вился еси́,/ свѣ́та сын возлю́блен быв,/ в ра́дости и красоте́ с ли́ки А́нгельскими ны́не ра́достно лику́еши, блаже́нне.

Богоро́дичен: Свѣ́та Твоего́ блиста́ньми озари́, Отрокови́це Всенепорѣ́чная,/ е́же в но́щи страсте́й искуше́нии одержи́мое се́рдце моѣ́,/ пра́вды Со́лнце Свет возсия́вши.

## Ин

Ирмо́с: *Услы́шах, Го́споди,/ смотре́ния Твоего́ та́инство,/ разуме́х дела́ Твоя́/ и просла́вих Твое́ Божество́.*

Зарёю Трисóлнечныя благодáти сия́я,/ свѣтле твой прáздник  
творящих озарí/ и страстна́го омраче́ния де́монскаго избáви,  
Алекса́ндре пресла́вне.

Источíл есѝ ре́ки чудѣс, блаже́нне,/ ве́рных напая́ющия сердца́/ и  
му́тныя во́ды многобо́жия изсуша́ющия.

Архиере́и и свяще́нницы, мона́си и прости́и,/ и ста́рцы со ю́нотами,  
и весь во́зраст, свѣтло предъигра́йте/ и па́мьять блаже́ннаго в пе́снях  
возвели́чите.

Богоро́дичен: Име́ю Тя помо́щницу и не постыжду́ся, Пречи́стая  
Ма́ти Бо́жия,/ име́ю Тя предста́тельницу и враг мо́их не убою́ся.

### Песнь 5

Ирмо́с: Ты, Го́споди, мой Свет,/ в мир прише́л есѝ,/ Свет святы́й,  
обраща́яй из мра́чна неведе́ния/ ве́рою воспева́ющия Тя.

Досточу́дная и пресла́вная па́мьять тво́я/ возсия́ в Росси́йстей землі́,  
блаже́нне,/ и ра́достно ве́рных веселит собо́ры.

Отверзо́шася тебѣ двѣри Еде́мския,/ и нескáзанен свет и Трисия́нен  
возсия́, блаже́нне,/ в неподви́жном Ца́рствии Небе́снем,/ и пра́ведных  
весѣ́лие прия́л есѝ раду́ясь.

Ны́не Алекса́ндр вели́кий, сирóт и вдов ми́лостивый печа́льник,/   
Оте́чество свое́ и вся вкúпе я́ве созывáет:/ прииді́те, собрав́шеся, я́ко  
о́бщему засту́пнику свѣтло торже́ствуем.

Богоро́дичен: Сый в зра́це Бо́жии,/ Пребоже́ственный всели́ся во  
чре́во Твое́,/ в зрак мой облече́ся Госпо́дь, Пренепоро́чная.

### Ин

Ирмо́с: У́треннюю́ще, вопи́ем Ти:/ Го́споди, спаси́ ны,/ Ты бо есѝ Бог  
наш,/ ра́зве Тебе́, ино́го не ве́мы.

Прия́л есѝ исцелéний благодáть, Алекса́ндре сла́вне,/ сущим в беда́х  
подава́еши здравіе тво́им заступле́нием;/ тем рáтных де́рзость низложи́  
и ми́ру подава́й чудеса́.

Я́ко звезда́ светла́ яви́ся непрелéстная,/ пленённых свободи́тель, и  
ни́щих богаті́тель,/ и боля́щих врач, Руси́ побóрник и гра́да на́шего  
утвержде́ние.

Явіся в Россійстей землі чудотворец, пресла́вен Алексáндр блаже́нный,/ я́ко всесвѣтел свѣти́льник сия́я во всем міре/ и во мра́це страсте́й озаря́я вся.

Богорóдичен: Мѣртвости и тли избáвила еси́ челове́чество,/ естество́м бо Жизнода́вца и Бо́га без се́мене родила́ еси́, Де́во Всенепорóчная,/ на благоде́яние восхваля́ющих Тя ве́рно.

## Песнь 6

Ирмо́с: *Пожру́ Ти со гласом хвалѣ́ния, Го́споди,/ Це́рковь вопиѣ́т Ти,/ от бесо́вския кро́ве очи́щишия/ ра́ди ми́лости от ребр Твои́х/ истѣ́кшею Кро́вию.*

Твоя́ свята́я па́мять, Алексáндре, вселѣ́нную веселі́т,/ созыва́ющи ве́рныя в честный храм твой,/ в нёмже ны́не ра́достью совоку́плъшеся, ты мо́лим:/ язы́ческаго нашѣ́ствия избáви лю́ди твоя́, пресла́вне.

Весѣ́лія днесь вся испóлнися Россійская земля́,/ в на́рочитый день пра́здника пресла́внаго чудотворца, Алексáндра блаже́ннаго:/ соблюда́ет бо Оте́чество своѣ́ вы́ну ненаве́тно.

Сирóт и вдов заступ́ника и в беда́х непобори́мага помо́щника,/ пѣ́снями Алексáндра убла́жим, сла́вяще:/ пра́зднующих бо па́мьть егó ве́село от бед избавля́ет и скорбе́й.

Богорóдичен: Святы́й Иису́с всели́ся во утробу Твою́,/ во свѣ́тых, Де́во, почи́вай/ и прославля́й ве́рою і́стинною сегó, Отрокови́це, сла́вящая.

## Ин

Ирмо́с: *Очи́сти мя, Спа́се,/ мно́га бо беззако́нія моя́,/ и из глубины́ зол возведи́, молю́ся:/ к Тебе́ бо возопи́х, и услы́ши мя,/ Бо́же спасѣ́ния моего́.*

От пречестна́го ко́рене изра́сл еси́ ветвь, пресла́вне,/ и благоче́стно на землі́ пожи́л еси́, и приятелище́ чи́сто Ду́ха яви́лся еси́,/ освяща́я ве́рою притека́ющія ти, блаже́нне.

Добродѣ́телем поло́жника и благоче́стивым князе́м удобре́ние,/ Це́рковь сла́вит тя и воспева́ет, блаже́нне:/ моли́твами твои́ми пода́ждь чту́щим любóвию до́блести твоя́ и борѣ́ния/ лю́тых прегрѣ́шений оставле́ние.

Иже в бѣдахъ и в скорбехъ сущи, к раце твоѣй притекающе,/ приѣмлютъ честная дарования, отъ тебѣ живущия благодати:/ ты бо миру присно источаеши исцеление.

Богородичен: Сущи Пресвятый храмъ, Богородице,/ Источникъ родила еси, Пренепорочная, неисчерпаемый, Владычице.

### Кондакъ, глас 8.

Яко звезду ты пресветлу, почитаем,/ от востока возсиявшую и на западъ пришедшую:/ всю бо страну сию чудесы и добротой обогащаеши/ и просвещаеши верою чтущия память твою, Александре блаженне./ Сего ради днесь празднуемъ твоѣ успение, людие твои сущи:/ моли спасти Отечество твоѣ и вся притекающия к раце мощей твоихъ/ и верно вопиющия ти:/ радуйся, граду нашему утверждение.

### Икос:

Велий чудотворецъ явился еси Россійския земли, блаженный Александре,/ невидимо Христовы люди посещая и исцеления подавая богато/ всемъ от души приходящимъ и согласно вопиющимъ сѣце:/ радуйся, столпе пресветлый, просвещая насъ чудесъ светлостью;/ радуйся, велехвальнаго краля победивый пособиемъ Божиимъ;/ радуйся, свободивый градъ Псковъ отъ неверныхъ;/ радуйся, латинская учения презревый и прелесть ихъ в ничтоже вменивый;/ радуйся, яко восприимъ еси в тленныхъ мѣсто нетленная;/ радуйся, Света Неприступнаго зрителю;/ радуйся, яко ликующи со Ангелы;/ радуйся, облаче росный, верныхъ мысли орошая;/ радуйся, темныхъ страстей прогонителю;/ радуйся, Россійстей земли заступниче;/ радуйся, граду нашему заступление.

### Песнь 7

Ирмосъ: В пещи Авраамстии отроцы персидстей,/ любовию благочестия паче,/ нежели пламенемъ, опаляеми, взываху:/ благословенъ еси въ храмѣ славы Твоея, Господи.

Днесь Церковь Христова, празднующи Александрово торжество, бывшее о Бозе,/ сошедшимся воистинну источаетъ исцеление,/ прилежно молящимся и любовию поющимъ его.

Во всех странах произыде вещание:/ яко нашего града явися чудотворец преславен,/ источая исцелений множество, всем просящим тепле.

Днесь веселия исполняется храм Бóга нашего,/ в нёмже лежат честныя мóщи блаженнаго,/ и вси притекающи облобызают со страхом святую раку преславнаго и приёмлют исцеление.

Богорóдичен: Вышняго освящённое Бóжие селение, радуйся,/ Тобóю бо дадётся радость, Богорóдице, вопиющим Ти:/ благословена Ты в женах еси, Всенепорóчная Владычице.

## Ин

Ирмóс: *От Иудеи дошедше, óтроцы,/ в Вавилóне иногда/ véрою Трóическою/ пламень пещный попраша, поюще:/ отцев Бóже, благословен еси.*

Яко звезда, сияя краснó, блаженне,/ зарёю добродетелей и многим бысть просвещение./ Тем и нас просвети, вопиющих ти:/ радуйся, Алексáндре благочестне.

Ны́не, стéкшися от всех стран и градóв,/ священницы, и мона́си, и прости́и, богáтии и убóзии/ и вку́пе вси, раду́ющиеся, хвалу́ возда́дим Христóу/ и уго́днику Егó, Алексáндру преславному.

Чудесы́ у́бо твоими, яко цвет, процвёл еси, блаженне,/ и исцеления подава́еши притека́ющим в кров твой, му́дре и досточу́дне.

Богорóдичен: От дéвственных ложесн Твои́х вопло́щся, Бог явися на спасение на́ше./ Тёмже Тя Ма́терь ве́дуще, Богорóдице, правове́рно вопи́ем Емóу:/ о́тец на́ших Бóже, благословен еси́.

## Песнь 8

Ирмóс: Ру́це распротёр, Дани́л/ львов зия́ния в ро́ве затче́,/ о́гненную же си́лу угаси́ша,/ добродетелию препоя́савшися,/ благочести́я рачи́тели, óтроцы, взыва́юще:/ благослови́те, вся дела́ Госпóдня, Го́спода.

А́нгельстии чи́ни хва́лят тя, преславне,/ и челове́честии ро́ди пою́т непреста́нно,/ творя́ще ве́рно па́мь твою́, Алексáндре великоимени́те.

Тебѣ в чудесѣх славна Россійским странам показá Бог,  
Алексáндре,/ и украси́ ты Небѣсными дарми́:/ Того́ моли́ поми́ловати  
всех нас.

Побѣды истинноименит, войстинну вѣрным лю́дем в беда́х/ и  
крѣпок помо́щник яви́лся еси́, Алексáндре блаже́нне.

Богорóдичен: Свяще́нный Ты проро́к благообра́зно проповѣда,/   
Дверь, и Го́ру, и Сень, и Зѣмлю святу́ю, и О́блак свѣта,/ из Него́же во  
тьме сущим возсия́ Со́лнце, Де́во, Еди́н Светода́вец.

## Ин

Ирмо́с: Богоглаго́лиши о́троцы в пе́щи,/ со огне́м пла́мень  
попира́юще, по́яху:/ благослови́те, дела́ Госпо́дня, Го́спода.

Я́ко утро, я́ко день свѣтлый, твой пра́здник яви́ся, просвещáя нáша  
сердцá/ и всех, с вѣрою восхваля́ющих ты, Алексáндре преслáвне.

День спасéния и пра́здник весéлия настá,/ стеце́мся, вѣрнии,  
очи́стивше вкúпе ду́ши и телеса́:/ се бо нас призывает Алексáндр  
Божѣственный.

Стру́я происходит по моли́тве тво́ей, Алексáндре, исцелéний  
всяческих,/ и омыва́ет сквѣрны страсте́й, и гно́ения лю́тых очища́ет,/ и  
всех вѣрных напáет сердцá, любóвию чту́щих ты, преслáвне.

Богорóдичен: О́бразы нося́щи дрéвле Рожде́ства Твоего́, Де́во  
Ма́ти,/ пещь у́бо ю́ношей не опали́,/ та́кожде и о́гнь Божѣственный  
утрóбы Твоея́, Чи́стая.

## Песнь 9

Ирмо́с: Ка́мень нерукосе́чный/ от несекóмья горы́, Тебѣ́, Де́во,/   
краеуго́льный отсече́ся,/ Христóс, совокупи́вый разстоя́щаяся  
естества́./ Тем, веселя́щися, Ты, Богорóдице, велича́ем.

Красéн тѣлом и душе́ю, и благоче́стием сия́я, сла́вне,  
Божѣственного ра́зума,/ оргáн был еси́ Свята́го Ду́ха:/ и по смѣрти у́бо к  
безсмѣртной жи́зни/ и неконча́емому блаже́нству прешéл еси́, раду́ясь,  
Алексáндре Богомúдре.

Я́ко светозáрное, блаже́нне, со́лнце, возсия́в от за́пада,/ и всю  
заря́ми благоче́стия Россійскую зѣмлю просвети́л еси́,/ и отгна́л еси́  
тьму глубо́кую ерети́чествующих, Алексáндре преслáвне.

Твоё святое преставление днесь светло празднуем:/ исполни радости и веселия восхваляющие тя, Александре великоимените.

Богородичен: Светом мя Твоего милосердия во тьме неразумия лежащего озари,/ едина Светодавца рождающая,/ Избавителя и Бога, святых венчавшего.

### Ин

Ирмос: Ужасёся о сем Небо,/ и земли удивившася концы,/ яко Бог явился человеком плотию,/ и чрево Твое бысть пространнейшее небес:/ тем Тя, Богородицу,/ Ангелов и человек чиновачалия величают.

Великий щит и крепость в Российской земли, Александре, обрелся еси,/ православному же народу нашему похваление и слава во всех языцех./ И ныне молимся ти:/ сохраняй Отечество твоё от языка чуждаго.

Незаходимого света лучами, во тьме сущим сияя, славне,/ к просвещению веселия настави ны, поющая тя.

Блаженный Александре, како ты возможем воспети достойно?/ Не может бо язык человеческий изглаголати твою различную исцеления/ и многая дарования всем человеком.

Богородичен: Яко утро, темным и блудящим, Дево,/ возсия правды Солнце, Христос,/ Егоже на руках Твоих носила еси, Чистая.

### Светилен.

Слышана бысть во всех странах превеликая слава твоя,/ и тогда жены Моавитския страшяху дети своя грозным твоим именем./ И ныне, блаженне, враги наша невидимо устрашай,/ ополчающиеся на Христолюбивое твоё воинство.

Слава, и ныне, праздника.

### На хвалитех стихирь, глас 8.

О, преславного чудесе!/ сиянием Духа Святаго просвещая, Александре Богомудре,/ учения латинская презрев, и прелесть их обличив,/ и самех укорив, и чужди веры правыя нарек,/ и дерзость их в ничтоже вменив./ И сего ради от Христа Бога приял еси воздаяние в Царствии Небеснем,/ со Ангелы ликовствование/ и с праведными радование;/ и ныне моли спастися душам нашим.

О, како возмогу́ досто́йно похва́лити/ или́ я́сно изглаго́лати пресла́вная чудеса́/ блаже́ннаго и сла́внаго Алекса́ндра?/ подаёт бо разл́ичная исцелёния/ не то́кмо приходя́щим к ра́це моще́й его́,/ но и в да́льних страна́х/ призыва́ющих его́ никогда́же оставля́ет./ Тем и повсю́ду хва́льно и́мя его́,/ и ны́не мо́лит умири́ти мир/ и спасти́ всех нас.

О, како возмо́жем воспéти блаже́ннаго Алекса́ндра,/ я́ко апо́стола и я́ко пропове́дника?/ вся́ко у́бо ерети́ческое нече́стие попрáл есть,/ своё же Оте́чество до́бре у́правив и соблюде́,/ хра́мы разоре́ныя воздв́игнув, пё́ния испо́лни/ и распу́женыя лю́ди собра́ в до́мы своя́,/ и ни́щим, и сирота́м, и вдова́м бысть печа́льник,/ и в беда́х засту́пник./ И ны́не мо́лит о спасе́нии душ на́ших.

### **Сла́ва, глас 2:**

Прииди́те, вси язы́цы,/ воспле́щите рука́ми, ликовствую́ще,/ прииди́те, вси Росси́йстии лю́дие,/ священни́цы, и мона́си же, и прости́и,/ духо́вне свесели́мся в наро́চিতом пра́зднице блаже́ннаго Алекса́ндра,/ и многоцеле́бную его́ ра́ку, обсто́яще, любе́зно облобыза́ем,/ и того́, я́ко цве́ты, пёсньми и хвала́ми увязе́м, реку́ще:/ ра́дуйся, земли́ Росси́йстей похва́ло;/ ра́дуйся, сла́вному гра́ду Влади́миру утвержде́ние;/ ра́дуйся, наро́ду правосла́вному помо́щниче;/ ра́дуйся, Оте́честву твоему́ заступле́ние/ и моли́твенниче о душа́х на́ших.

### **И ны́не, пра́здника, глас 2:**

Днесь в храм приво́дится Всенепоро́чная Де́ва,/ во оби́телище Всеца́ря Бо́га/ и всея́ жи́зни на́шея Пита́теля;/ днесь чисте́йшая святы́ня,/ я́ко триле́тствующая ю́ница,/ во свята́я святы́х вво́дится./ Той возопи́им, я́ко А́нгел:/ ра́дуйся, еди́на в жена́х Благослове́нная.

Славосло́вие вели́кое. И отпу́ст.

### **На Литурги́и**

Блаже́нны пра́здника, песнь 5-я на 4 и свята́го песнь 6-я на 4. Прокі́мен, глас 7: Честна́ пред Го́сподем/ смерть преподо́бных Его́. Стих: Что возда́м Го́сподеви о всех,/ я́же воздаде́ ми. Апо́стол к Гала́том, зача́ло 213. Аллилу́ия, глас 6: Блаже́н муж, боя́йся Го́спода,/ в за́поведех Его́ восхо́щет зело́. Стих: Си́льно на земли́/ бу́дет се́мя



его. Евангелие от Матфея, зачало 43. Причастен: В память вечную будет праведник:

### **Молитва благоверному князю Александру Невскому, в схиме Алексию**

Скорый помощниче всех усердно к тебе прибегающих и теплый наш пред Господом предстателю, святыи благоверный княже Александре! Призри милостивно на ны недостойныя многими беззаконии непотребны себе сотворшия, к иконе твоей ныне притекающия и из глубины сердца тебе взывающия: ты в житии своем ревнитель и защитник православныя веры был еси, и нас в ней теплыми твоими молитвами непоколебимы утверди. Ты великое, возложенное на тя служение тщательно проходил еси, и нас твоею помощию пребывати коегождо, в нейже призван есть, настави. Ты, победив полки супостатов, от пределов Российских отгнал еси, и на нас ополчающихся всех видимых и невидимых врагов низложи. Ты, оставив тленный венец царства земнаго, избрал еси безмолвное житие, и ныне праведно венцем нетленным увенчанный, на Небесех царствуеши, ходатайствуй и нам, смиренно молим тя, житие тихое и безмятежное и к вечному Царствию шествие неуклонное твоим предстательством устрой нам. Предстоя же со всеми святыми Престолу Божию, молися о всех православных христианах, да сохранит их Господь Бог Своею благодатию в мире, здравии, и благоденствии, и всяком благополучии в должайшая лета, да и присно славим и благословим Бога, в Троице Святей славимаго Отца, и Сына, и Святаго Духа, ныне и присно и во веки веков. Аминь.